

# INUIT ATAQATIGIIT

## INATSISARTUNI



UKA2023/17  
Sitsip 27-at 2023  
Pipaluk Lynge

### **Uunga siunnersuut: Naligiissitaaneq assigiinngisitsinnginnissarlu pillugit Inatsisartut inatsisaat.**

(Aningaasaqarnermut, Naligiissitaanermut, Aatsitassanut, Inatsisillu Atuutsinneqarnerannut Naalakkersuisoq)

Inuit Ataqatigiit pingaartitaraarput nunatta innutaasa tamarmik naligiimmik pineqarnis-saat, atugassaqartitaanissaat illersugaanissaallu. Taamaattumik Naalakkersuisut siunnersuumik matumani saqqummiussaqarnerat Inuit Ataqatigiinni nuannaarutigalugu tigulluarparput.

Nunarsuarmi Inuit Pisinjaatitaaffiinik Pisussaaffinillu pingaartitsilluni suliniuteqarnerup siuarsartuarnerani nunatsinnittaaq politikkikkut suliaqarnermi malinnaanerput naleq-qussaajuarnerpullu pissusissaminiippoq pingaaruteqarluinnartoq.

Taamaattumik assigiinngisitsinerup pinaveersaartinneqarnissaannik maanna inatsisitigut sukaterineq Inuit Ataqatigiinit sakkortuumik taperserparput.

Inuit inatsisitigut illersugaanerannut tunngasunik ukiut kingulliit inatsisartutigut sulia-qallattaavugut, ilaagitug atoqatigeeriaatsimi naaggaarsinnaanermut tunngasoq eq-qaaginnarsinnaavarput.

Innarluutillit paaqqutarineqarnerata suli isumannaannerusumik inissismalernissaa pingaaruteqarluinnartut ilagivaat, minnerungitsumik immikkullarissumik inuaassuse-qarnerput, ileqqoqarnerput immikkullarissumillu oqaaseqarnitta nunami namminilivikkiartortumi illersugaanissaa pingaaruteqarluinnartuuvoq.

Naligiissitaanissaq assigiinngisitsinissarlu pillugit sunillu pisussaaffeqarnerput pillugit ataatsimut inatsisiliornissaq pingaaruteqarluinnaqqissaartoq Inuit Ataqatigiinit isuma-qatigaarput. Taamaattumik maanna suli sunniuteqarnerusumik paasiuminarnerusumillu inatsisitigut suliaqarneq inuit ataasiakkaarluta illersugaanitta sukaterneqar-nera pissusissamisooqqissaarpod.

Inuit Ataqatigiinit nuannaarutigilluinarpalput Naligiissitaaneq pillugu Aala-jangiisartunik pilersitsinissaq siunnersuummi siunniunneqarmat. Ukiut ingerlaneranni qassimmita assigiinngisitsinermik tunngavilimmik nunatsinni nalaataqarpat? Amerlasuutigut pisortanut unnerluussummik anngussaqartaraluartut qatangiinnartarput. Maanna Naligiissitaaneq pillugu Aalajangiisartunik pilersitsinikkut unnerluussisarnerit eqqartuussivik aqusaangnikkaluarlugu suliarineqarsinnaalernissaat Inuit Ataqatigiinit nuannaarutigilluinnaqqissaarpalput.

Siunertat ilaat, tassalu Naligiissitaanermut Siunnersuisoqatigiit unnerluussutinik sulia-mikkut annertusarneqarnissaat naammassisamillu suliaqarsinnaalernissaat nuan-

# INUIT ATAQATIGIIT

## INATSISARTUNI



naarutissaavoq annertooq. Ilaatigut suaasutsit naligiimmik katiterneqarnissaat pillugit piumasqaatit atorneqarnerulernissaallu, aamma illersugaanikkut, pissusissamisooqqissaartoq Inuit Ataqatigiinit isumaqatigaarput.

Taamatut Inuit Ataqatigiinnit oqaaseqarluta, inatsisissatut siunnersuut sukumii-soq taperserparput, ataatsimiititaliamullu susassaqartumut innersuullugu.

Qujanaq.